

НОЯБРЬ

24-це шистонза 1940 кизоня

130 (1782) №

ПИТНЕЦ 5 тр.



Комсомолю Вайгяль

ВЛКСМ-нь мордовский обкомъ и саранский горкомъ газетасна

ЛИСЕНДИ

8-це КИЗОСЬ

Адресь: г. Саранск,
Советская ул., Дом печати.

МТС-нь боевой задачасна

Партиясь и правительствась шарфнихть оцю мяль ремонтнай кампаниять эсь пингстонза йотафтоманцы. Тракторхненъ, комбайнатненъ и лия сельхозмашинатненъ эсь пингстост и цебарь качества мархта петемасна—важнейшай условия тундань видемать, сёра урядамать эсь пингстост ётафтомаса, сталинский урожаень сывоманкса тюремаса.

Йотай кизонь фактне няфнесазь, што, коса МТС-нь руководителхне и комсомольский организациатне ашеть шарфне сатомшка мяль тракторнай паркть и сельхозмашинатненъ эсь пингстост и цебарь качества мархта петемаснонды, тоса таргавсь видемась и сёра урядамась.


„Мокшень правдаты“ октябрь 19-це шинь номерсонза печатлаф Торбеевский МТС-ть рабочайнь коллективонц тракторхненъ и сельхозмашинатненъ высококачественнайста и эсь пингстост петемаснон инкса Мордовский республикань МТС-нь сембе трактористт-ненди, комбайнерхненди, механикхненди и ремонтнай рабочайхненди обращения кеподсь социалистический соревнованиянь од волна Мордовиянь МТС-ненъ эзга.

Лувомок Торбеевский МТС-нь рабочайнь коллективъ обращения и лувомок эсь ётай кизонь эльбияткснон, Кадошкинский МТС-нь рабочайнь коллективъ лувозе цебаренди торбеевцненъ инициативаснон и сясь эсь лангзонза конкретнай обязательства: сёксенда и тялонда петемс сембе тракторхненъ, прицепной машинатненъ цебарь и отличнай качества мархта. Тракторхненъ петемаснон аделамс 1941 кизонь февраль 15-це шинц самс; культиваторхненъ, плукхненъ и сеякатхненъ—февраль 1-це шинц самс; автомашинатхненъ—апрель 1-це шинц самс; комбайнатхненъ—июнь 1-це шинц самс. Тя кизонь 4-це кварталъ эзда петемс тракторхненъ 60 процентснон. МТС-нь коллективъ йоткса келемсь социалистический соревновань эсь обязательстваснон срока инголе пашкодемаснон инкса.

Торбеевцненъ инициативасна фатяф республикаса ламоц МТС-нь мархта и няфнихть цебарь образецъ эсь обязательстваснон пашкодемаса.

Но улихть винге МТС-т, коса тракторонь и лия сельхозмашинанъ петемась моли пях калдывста. Ардаковский МТС-са сязьф октябрь и ноябрь тракторонь петема плавць. Тяфта жа калдывста ащи тевсь тракторонь и лия сельхозмашинанъ петемаса Атемарский, С-Шайговский, Рузаевский и лия МТС-ненъ эса.

Комсомольский организациатне должетт таргамс социалистический соревнованьня тя волнати республикаса сембе МТС-нь, сивь рабочайнь коллективснон сян инкса, штоба тундаты васьфтемс сембе ширде аноклафста.



Карело-Финский ССР-са „Харлу“ Целлюлозно-бумажный комбинатъ, конань калафнезь белофитне, тляни моли эсонза восстановидамань вишке работа.
СНИМКАСА: Комбинатъ общай видоц.

Фотось Я. Роскинть (ТАСС).

МАШФТОМС АФ ГРАМОТНОСТТЬ

Глушка велень первичнай комсомольский организациась шарфни оцю мяль аф грамотностть и малограмотностть машфтоманц шир.

Велеса сембоц лувондови 160 ломань аф грамотнайда и малограмотнайда, конат тляни сембе фатяф тонафнемаса. Эряви азомс, што тя тевса особеннай интерес няфнихть комсомолец-учителхне и ученикне. Синь мельгаст кемокстаф аф грамотнайхть, конат-

ненъ мархта систематически вятихть занятия.

Комсомолкась-отличница Сиякина, Малофеевась и лия ялгатне сясь эсь лангзост обязательства сян колга, штоба синдейст кемокстаф аф грамотнайхненъ 1940—1941-це тонафнема кизоста нолдамс грамотнайкс.

Комсомольский организациась решил машфтомс 1940—1941-це кизоня Глушка велеса аф грамотностть и малограмотностть.

Н. Лобанов.

Кадошкинский район.

Велеть интеллигенция

Тархан Потьма велеть интеллигенция сядынгольденъ пингть ашесь церковнай служительхненъ эзда, конат одурманивали велеряхненъ и канность польза эксплуататорхненди. Школа ашель кода тонафнемс беднай трудящайхненъ идьснонды. И тяста лисенди, што беднайхненъ йоткса пцтай фкявок ломань велеста ашесь сатне интеллигентонь лем.

Полафтсь велеть шамац. Тянь мархта полафтсь велеть культурнай эряфоц. Кда революцияда инголе комозьшка процент велень сембе трудящайхненъ эзда ульсь грамотнай, то тляни 80 процент лувондови грамотнай. Тя оцю мероприятия культурнай фронтса возмжнайкс арась йотафтомс аныцек эста, мзярда эрь трудящайсь кармась эряма зажиточнайста и свободнайста.

Эрь од ломанть инголе панчфт сембе китне, штоба получамс эстейнза кодама эряви образования. Советский власть пингста велеса кассь трудящайхненъ эзда интеллигенция лувкссь, кона кровна заинтересованнай народнай тевти пользань максомаса. Велесь касфтсь вехса народнай учительхть, фкя инженер, кафта техникт и фкя полковой командир, конанц боевой подвигонкса правительствась наградил „Якстерь знамянь“ ордена.

Касы велеса культурась национальной формас и социалистический содержания коря. Церкавть вастс тляни строяф неполнай средней школа, коса тонафни трудящайхненъ 300 идь, строяф избачитальня и строяви колхознай клуб.

С. Самошкин.

Ширингушский район.

КУЛЬТАРМЕЕЦЕНЬ СОБРАНИЯ

Ноябрь 19-це шистонза 3-Полянень педучилищаса ульсь йотаффт культармеецень собрания, коса средний школань ученикне сясь эсь лангзост обязательства сян колга, штоба 1941-це кизонь мартъ 8-це шинц самс Зубуса 122 аф грамотнайхненъ тонафтомс грамотас. Тяда башка, 3-Полянень средний школань ученикне

тердезь соцсоревнованияс 3-Полянень педучилищань ученикхненъ.

Собранияса сембоц ульсь средний школатъ эзда 87 культармеец, педучилищанъ эзда—68 культармеец, конат выделеннайхть инь лучшей ученикхненъ и ученицатхненъ лувксснон эзда.

Ив. Паршин.

ОЦЮ АКТИВНОСТЬ

(Телефон вельде)

Инсар. Оцю активностьса йотнихть комсомольский организациатненъ эзга „ВЛКСМ-нь члетьненъ и кандидатхненъ колга инструкции“ проработканцы посвященной комсомольский собраниятне. Желябовть лемса совхозонь, райбольницань, „Заветы Ильича“ колхозонь комсомольский организациатне, проработандамок эсь собраниясост инструкциать, лихнихть практический мероприятия сян инкса, штоба машфтомс уликс аф сатыксненъ комсомольский хозяйстваса.

Комсомолецне эсь выступлениясост няфнихть лама конкретнай факт, мзяра мянь тячимс комсомольский организациань секретархне лувондсазь учеть технический тевкс, подменяют тя оцю организационнай работать формальностьса.

Тянь коряс тляненъ пингть йотафневи комсомольский собраниятне няфтезь, што инструкциясь путь пе комсомольский хозяйствать эса учеть коряс беспорядокти.

ЛОСЕВ,

ВЛКСМ-нь Инсарский РК-ть секретарец.

Комсомолецне тонафнесазь революционной теориять

„ВКП(б)-ть историянц Краткой курсонц“ светс лисеманц мархта партийнай пропагандать ладяманц колга“ ВКП(б)-нь ЦК-ть исторический постановлениянц кафта кизонь топодеманц Ширингушский райононь комсомолецне васьфтезь и йотафтозь эсь идейнай уровеньон кеподемаса.

Ширингушский средний школань учительница Е. Д. Канькова ялгась средней звенать коряс аделае „ВКП(б)-ть историянц Краткой курсонц“ тонафнеманц. Сон тись конспект книгать сембе 12 главанзонды.

Аделамок Краткой курсть тонафнеманц, Канькова ялгась тянненъ пингть тонафнесыне Марксизмань-Ленинизмань классикхненъ башка произведенийснон.

Ф. Бикеев.

Ширингушский район.

ШКОЛЬНАЯ ЭРЯФСЬ

Отличной результат

Ковылкинский 43-це № железнодорожный средний школань комсомолецне-ученикне тонафнемасаняфнихть аныцек цебарь и отличнай кепотыкт. 10-це классонь ученикатне-комсомолкатне З. Башуевась и В. Саврасовась тонафнемас кизотъ васень четвертенц аделазь отличнай оценката. Тонафнемасатяфтама жа результаттняфгсь тяка жа классонь учениксь-комсомолецъ В. Курзаевсь.

Отличной результаттняфни комсомолкась, 9-це классонь ученицась Паршина Раясь. Сон, сявомок васенце класста, фалу тонафни аныцек отличнайста.

Тяда башка комсомолецвень эзда аф кржась, кода Безруковась, Лупановсь и лама лият тонафнемас лувондовихть ударникос.

Сави азомс, што школань отличникне максихть пак оцю лезкс тонафнемаса отстающей ялгасноды, конатнень эзда лама ученикне

ялгань лезксть вельде мекольденъ пингть кармасть тонафнема ламода сяда цебарьста.

Кода правила, нят и лия комсомолецне отличнайста тонафнемада башка илады ученикнеди няфнихть образцовай кепотыкт общественнай работасовок.

Например, Саврасовась возглавляет школань ученический комитетть, руководит хоровой кружокть мархта. Сонь руководстванц вельде хоркружоксь аф вестъ выступал радиостудиясь, железнодорожной клубса и школаса. Паршина Раясь ащи пионервожатайкс. Сонь отрядонь школаса лувондови инь цебарькс.

Комсомолецне савсть эсь лангзост обязательстват, штоба тонафнема кизотъ II-це четвертенц аделамс тяфта жа цебарь и отличнай отметкась.

А. Водякова.

ОТЛИЧНИКОНЪ ЛУВКСЬ НАСЫ

Тонафнемс отличнайста—тя эрь ученикть эрь шинь заботац. А сяс минь школаньконь эзда тонафнида-отличникта можна мумс аф фкя, а пак лама. Вов Сире Исса Пря вельень средний школатъ учащайнза Талышкина Еленась, Щавкина Валась, Сандин Валась, Кобелькова Женясь и лама лият сембе йотай тонафнема кизотъ тонафнестъ цебарьста и тяниенге тонафнихть аныцек отлична. Нят ялгатне школаса кандыхть и общественнай поручениятка. Та-

лышкина Еленась, например, кочкаф комсомольский комитетти секретарькс, Сандин Валась—учкомонь председателъкс.

Ученикне-отличникне тонафнемань опытна келиста распротраняется сембе тонафнихнень йоткса. Синь колгаст корхнихть и комсомольский собраниясонга и сёрматкшихть стенгазетаска. Тянь вельде школаса отличниконь лувкссь фалу касы.

В. Москалев.

Инсарский район.

Ученикнень фкя инь кельгома тевсна

Кельгома тевкс арась Ковылкинань средний школань учащайхненди занимадакшихнемс ГСО-нь кружокса. Юношатне и стирьнятне аккуратна сашендыхть занятиясь и оцю интерес мархта кулхонкшихть тьса комсомолецъ Кузнецов ялгать (маллярыйнай станциясь фельдшеронц) беседанзон, конад руководит тя кружокть лангса.

Великой Октябрь XXIII-це годовщианцы Кузнецов ялгась анокласъ тя школаса ГСО-нь II-це ступенень 34 значикст. Тяни Кузнецов ялгась занимадай лия группа мархта, конавц обязуется анокламс РККА-ть XXIII-це годовщианцы.

А. Абакумова.

Ковылкинский район.

Физкультурникне—Якстерь Армиять резервац

Физкультурнай движениясь самодетельностекс тиамасонза огромнай рольсь прашенды Ленинско-Сталинский комсомолъ лангс. Именна комсомолъ—советский од ломаттнень передовой отрядонц, Ленинонь—Сталинонь партияснон резерванц и вернай помощниконц лангс. Тявгса комсомолти эриви сембе ширде возглавить физкультурнай коллективнень, секциянень, советнень и обществатнень работаснон.


З. Полянский районца ВЛКСМ-нь райкомть видеса военно-физкультурнай работас коря комиссиясь (председательсь Железнов ялгась), йотафни военно-тактический похотт и ученият, коза тарксевихть аф аныцек комсомолецне, но и аф союзнай од ломаттневок. Тьса вятихть систематический работа ГТО, ВС и ПВХО значикстонь анокламаса. Тянь вельде значикстонь анокламань планц пашкотъф 103 процентс. Тяда башка комиссиясь Железнов ялгать руководстванца ала регулярна йотафни заседани-

ят, коза ванондовихть комсомолецнень и од ломаттнень йоткса военно-физкультурнай работатъ цебарьгофтоманц колга кизефксне, тиевдевихть работань платт.

Получамок „Комсомольский активъ физический подготовканц колга“ ВЛКСМ-нь Мордовский обкомть решениянц, комиссиясь эсь заседаниясонза обсудиндазе и лифтсь сонь пашкодеманц инкса конкретнай мероприятия. Физкультуратъ и спортъ цебарьста тонадомаса замечательнай примерхтъ няфнихть ВЛКСМ-нь райкомть секретарец Кондратьев ялгась и военно-физкультурнай работатъ коряс постояннай комиссиясь председателец Железнов ялгась.

Но ня сатфкснень лангс комсомолти лотксемс аш кода. Эриви шиста-шис касфнемс и кемокснемс советский од ломаттнень мобилизационнай готовностьсон — тя комсомолъ первостепеннай и эряфонь инь эрявикс задачац.

Аф ваномок военно-физкультурнай работатъ политической и фи-



Англиять и Германиять йоткса войнась

СНИМКАСА: Английский дальнебойнай пушкась, кона установиндаф Англиять побережьясь.

Фотось ТАСС-ть.

АНГЛО-ГЕРМАНСКИЙ ВОЙНАСЬ

Германский информационный бюрось азондозе, што ноябрь 21-це шинц карша веть германский авиациясь тись успешнай налетт Лондонть, Бирмингемть лангс, Центральной Англиясь военной предприятиянень, а тяфта жа стратать юг ширеса портовой сооружениянень и снабжениянъ предприятиянень лангс. Ноябрь 22-це шинц карша веть лама бомба ульсь ёрдаф Ковентриять, Бирмингемть, Бристоль и Саутгемп-

томть лангс.

Американский телеграфнай агентстватнень корреспондентсна корхтайхть, што ноябрь 21-це и 22-це шистонза германский авиациясь няфнесь сравнительна аф оцю активность, тянь синь азонкшнесазь калдыв погодать улеманц мархта. Рейтер агентстватъ сообщениянц коряс ноябрь 22-це шинц карша веть английский бомбардировщикне налетт ашестъ тиенде.

(ТАСС).

ТАСС-ть СООБЩЕНИЯЦ

Юнайтед Пресс американский агентствась пачфнесы, што „Гамбургер Френденблатт“ германский газетатъ валонзон коряс колма державань пактти Венгриясь сувафтф бта „Советский Союзъ сот-

рудничестванц и полной одобрениянц вельде“.

ТАСС-сь уполномочен азондомс, што тя сообщениясь ёфси аф виде.

СТАРАТЕЛЬНАЯ ДОЯРКА

М.-Мазканьянь „Од эряф“ колхозонь МТФ-са дояркакс работай Кирушкина Евдокиясь, кона, кельгомок эсь тевонц, цебарьста якай тракснень и вазнятнень мельге. Кирушкина ялгась эрь шиня варч-

сесы траксонь помещениять. Помещениясь лямболгофть и эрь венди тракснень алу ацси свежай шу жарьхть.

Д. Ефимкин.

Краснослободский район.

зический инь оцю важностень значениянц лангс, башка районга комсомолецнень и од ломаттнень йоткса оборонно-физкультурнай воспитаниясь мольтфети тя пингс паклафчста. Основной причинах лафча работати арси, што синц комсомольский активистне калдывста участвовадайхть оборонно-физкультурнай работаса.

Дряй допустимай тяфтама положениясь, кда Торбеевский районца 1600 комсомолецнень эзда военно-физкультурнай коллективнень эса участвовадай аныцек 160 ломань. Тяфтама фактсь корхтай сянъ колга, што ВЛКСМ-нь райкомть секретарец Степашкин ялгась аф вяти комсомолецнень йоткса кодамовок военно-физкультурнай воспитания. Райкомсь нльне тя пингс ашезень знакомонда ВЛКСМ-нь обкомть решениянц мархта аф аныцек комсомолецнень, но и комсомольский активитке, нльне военно-физкультурнай комиссиянъ четтненьге. Аф ваномок сянъ лангс, што тя решениять ВЛКСМ-нь райкомсь получа-зе нинге кова инголе и сядонга калдыв ся, што тя решениять нльне изезь обсуждада ВЛКСМ-нь райкомть бюросовок.

Физкультуранъ и спортонъ тевса Торбеевский райуполномоченнайсь Сухаров ялгась (сон жа военно-физкультурнай комиссиясь председателец) нльне корхтай вреднай мялхть, што Торбеюнъ комсомолецне и од ломаттне физкультурнай и обороннай тевса пак „пассивнайхть“, синь аш мялсна работамс эста, кда сонц оторваннай кели массатнень эзда. Колхозга, совхозга, МТС-ва и школага аф якай, комиссиянъ заседаният аф йотафни, комиссиясь работань планон аш и аш мялец тиамса.

Калдыв ся физкультурнай работниксь, кона аф йотафни анокламань работа физкультуранъ и спортонъ тялонь сезонти. Активный комсомолецъ должен мастерски якамс лыжаса, маштомс меткайста ляцема, цебарьста уема, содамс штыковой бойть и гранатометанить. Эриви сатомс сянъ, штоба эрь комсомолецъ — физкультурникъ уделхть ба лична сонценъ спортивной инвентаренза.

Именна тянь колга корхтати ВЛКСМ-нь Мордовский обкомть решениясовок.

А. ДРЯНЬЕВ.

Ответ. редакторъ И. ЧУДАЙКИН.